

 BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO. 29-08-2023 10 ⁴⁵			
Organizaciona jedinica	Klasifikaciona oznaka	Redni broj	Broj priloga
02-	50-6-	16-8	23

DŽEMAL SMAJIĆ

Delegat u Domu naroda Parlamentarne skupštine BiH

Broj:

Sarajevo: 29. 8. 2023.

**PARLAMENTARNA SKUPŠTINA BOSNE I HERCEGOVINE
DOM NARODA**

n/r predsjedavajućeg Nikole Špirića

**UPRAVA ZA INDIREKTNO OPOREZIVANJE BIH
n/r direktora**

U skladu sa čl. 155. i 156. Poslovnika Parlamentarne skupštine Bosne i Hercegovine ("Službeni glasnik BiH" br. 58/14, 88/15, 96/15 i 53/16), najvaljujem postavljanje usmenog delegatskog pitanja na 8. sjednici Doma naroda Parlamentarne skupštine Bosne i Hercegovine koja će biti održana 30.8.2023. godine.

DELEGATSKO PITANJE

"Zašto postoje velike razlike u statističkim podacima u vanjsko-trgovinskoj razmjeni između Bosne i Hercegovine i Srbije i Hrvatske gdje te razlike za posljednjih pet godina (2018-2022) iznose oko 4 milijarde i 550 miliona EUR-a?"

Obrazloženje

Obzirom da se radi o robi koja se iz ovih zemalja uvozi u BiH i usklađenim međunarodnim statističkim standardima, ne bi trebalo da postoje razlike u podacima. Prema statističkim podacima Bosne i Hercegovine (Agencije za statistiku BiH, Centralne banke BiH i Ministarstva vanjske trgovine i ekonomskih odnosa) i statističkim podacima Hrvatske (Državni zavod za statistiku Hrvatske) i Srbije (Republički zavod za statistiku Srbije) evidentne su značajne razlike u podacima o uvozu u BiH iz pomenutih zemalja i podacima o izvozu u BiH za iste zemlje. Kao prilog tome navodim Informacije da je u posljednjih pet godina (2018-2022) BiH prikazala da je uvezla robe iz Srbije manje za 1,541 milijardu EUR-a (cca 3,014 milijardi KM) nego je to prikazala Srbija. Statistički podaci BiH ukazuju da je BiH iz Srbije uvezla 5,932 milijarde EUR-a, a statistički podaci Srbije da je Srbija u BiH izvezla 7,473 milijardi EUR-a.

Kada je u pitanju Hrvatska te razlike su još izraženije. Za isti period BiH je prikazala da je uvezla robe iz Hrvatske manje za 3,01 milijardi EUR-a (cca 5,887 milijardi KM). Statistički podaci BiH ukazuju da je BiH iz Hrvatske uvezla 5,228 milijardi EUR-a, a statistički podaci Hrvatske ukazuju da je Hrvatska u BiH izvezla 8,239 milijardi EUR-a.

Posmatrano kumulativno te razlike iznose cca 4,55 milijardi EUR-a (8,9 milijardi KM). Potrebno je da nadležne institucije utvrde zašto se javljaju navedene razlike u prikazanim podacima. One ukazuju na da se manje novca slijeva u državnu kasu, a samim tim i oštećenje budžeta iz kojeg se finansiraju institucije i građani BiH. Dobra kontrola granica i uvoza dovest će do efikasnosti u politici uvoza i cjelokupnoj ekonomskoj politici i razvoju države. Ukoliko se u ovom slučaju radi o eventualnim propustima nadležnih organa BiH zahtjevam da se uključe sve relevantne institucije i ispituju ovaj slučaj.

Delegat u Domu naroda
Parlamentarne skupštine BiH
Džemal Smajić

